

Protest na pogrešnoj adresi



OHR podsjeća udruženja decertificiranih policajaca Federacije BiH i Republike Srpske da je Ured visokog predstavnika učinio više od bilo koga drugog na pronalaženju rješenja za osobe kojima je UN/IPTF uskratio certifikate.

Predsjedništvo Vijeća sigurnosti Ujedinjenih naroda je u aprilu 2007. godine ukinulo doživotnu zabranu rada na policijskim poslovima za ove osobe te definiralo zahtjeve na osnovu kojih vlasti u BiH trebaju utvrditi neophodne pravne uslove za provedbu ovoga.

Do danas su sve osobe koje nisu dobile certifikate UN/IPTF-a mogle da se prijave na konkurse za slobodna radna mjesta za nove zaposlenike u SIPA-i, Graničnoj policiji, Upravi policije Federacije, svih 10 kantonalnih policijskih uprava i policiji Distrikta Brčko. Republika Srpska još uvijek nije utvrdila neophodne pravne uslove.

Ukoliko udruženja smatraju da Ujedinjeni narodi trebaju promijeniti uslove navedene u Predsjedničkom pismu iz aprila 2007. godine, onda trebaju vršiti pritisak na nadležne vlasti u Vijeću ministara BiH, uključujući ministra za ljudska prava i izbjeglice, Safeta Halilovića, da ovo pitanje ponovo otvori u Ujedinjenim narodima u Njujorku.